

尚
論
篇
卷
三



尚論後篇卷之三諸方目錄

太陽傷風諸方計十五方除重

太陽傷寒方計三十九方除重附

太陽兩傷方計十方除重



尚論張仲景傷寒論大陽本經諸方脉症後四卷之三

西昌喻昌嘉言甫著

尚論諸方大意

仲景一百一十三方。用本草九十一種耳。仲景上溯神農
本經藥三百六十五種。效法周天三百六十五度之數。應
三才而合四時。妙義開天也。仲景取述神農本經藥品。經
九十一種。入傷寒論中。輔相裁成。有合六經之大綱者。有
合六經之一目者。蓋神農百病兼收。而仲景則由六經以
例百病。所以於上古本經取裁九十一種。用之不盡。萬世
而後。星目炳然。聖之又聖者矣。梁陶隱君別錄。倍之爲七

百三十種。迨唐本圖經證秘嘉佑政和旁搜編錄於是方
門捷徑各自成名者多矣。而仲景宮牆生色間出英賢
十輩。尤為不孤。識大識小。總計一千七百四十六種。百病
藥無纖漏。天下後世永賴焉。然一千七百四十六種。仲景
显现億兆如同一日昭式乃至漸推漸廣觀察盡矣
九十七種賢哲。授生莫識厥旨。昌也晚進無識手集神農
本經。竊以傷寒論中藥品為主。其晉唐以後諸賢發揮傷
寒論全方。有得者亦一一錄出。而昌亦少步尚論諸方之
後。總欲門下好學。隨證問藥。一目燎然。無檢書之苦。難是
慰耳。

太陽經風傷衛方

方論

卷之六 太陽篇風方

二

辨中風證用桂枝湯解肌大綱總法

桂枝湯方

桂枝三兩 去皮 味辛 熱

芍藥三兩 味苦 酸微寒

甘草二兩 炙 味甘 平

生薑三兩 切 味辛 溫

大棗十枚 味甘 溫

右五味。㕮咀。以水七升。微火煮取三升。去滓。適寒溫。服一升。服已。須臾。輒飲熱稀粥一升餘。以助藥力。溫覆令一時許。遍身熱熱微似有汗者。益佳。不可令如水淋漓。病必不除。若一服汗出病差。停後服。不必盡劑。若不汗。更服。依前法。又不汗。後服小促役。其間半日許。合三服盡。若病重者。一日一夜服。周時觀之。服一劑盡。病證猶在者。更作服。若汗不出者。乃服至

中醫藥大學圖書館藏

二三劑。禁生冷粘滑。肉麪五辛。酒酪臭惡等物。

太陽中風。陽浮而陰弱。陽浮者熱自發。陰弱者汗自出。當發惡寒。淅淅惡風。翕翕發熱。宜桂枝湯。仲景原文

風之傷人也。頭先受之。故令頭痛。風在表則表寒。故令發熱。風爲陽氣。亦爲陽氣。同類相從。則傷衛外之氣。衛傷則無以固衛津液。故令汗出。其惡風者。衛氣不能衛也。其脈緩者。衛氣不能鼓也。上件皆太陽症。故曰太陽中風。桂枝辛。其辛則能解其肌。則能是表。內經曰。辛其發散爲陽。故用之以治風。然恐其走泄陰氣。故用芍藥之酸以收之。佐以生薑甘草大棗。此發散而兼和裏之意。是方也。惟表邪乃可用之。若陽邪去。

表入裏裏作燥渴二便秘結此宜承氣之時也而誤用之則反矣昌按承氣之誤庸者固然而工者誤在微細仲景諄切不似此項逐條本文詳玩始獲

凡桂枝湯病症者常自汗出小便不數手足溫和或手足指稍露之則微冷覆之則溫渾身熱微煩而又憎寒始可行之若病者無汗小便不數手足溫和或手足逆身冷不惡寒反惡熱或飲酒後慎不可行桂枝湯也脉緊必無汗有汗不可誤作桂枝症此脉與證仲景說得甚明後人看不透所以不敢用此方假令寸口脉微名曰陽不足陰氣上入陽中則洒淅惡寒也尺脉弱名曰陰不足陽氣下陷入陰中則發熱也

此謂元氣受病而然也。又曰：陽微則惡寒，陰微則發熱。醫既汗之，使陽氣微，又大下之，令陰氣弱。此謂醫所使也。大抵陰不足，陽往從之，故陽內陷而發熱。陽不足，陰往乘之，故陰上人陽中，則惡寒。舉此二端，明白易曉。何憚而不用桂枝湯哉？仲景治表虛，製此湯。桂枝味辛，熱發散，助陽，使體輕。本乎天者，親上，故桂枝爲君。芍藥甘草佐之，如陽脈濡，陰脈弦，腹中急痛，乃製小建中湯，以芍藥爲君，桂枝甘草佐之。一則治其表虛，一則治其裏虛，故各有主用也。

以桂枝易肉桂，治傷寒腹痛，神品藥也。如夏中熱，腹疼少加黃芩，去桂，痛立止。桂於春夏

二時爲禁藥

按經云桂枝人咽陽盛則斃春夏發者爲禁藥也桂能動血
血熱者爲禁藥也木得桂而死肝不足者爲禁藥也

桂枝湯有禁用三法

仲景本文并昌論

中風病主用桂枝湯解肌和營衛七法

本文并昌論

汗後水氣上逆有禁更汗增滿一法

木文并昌論

或問桂枝湯發字之義曰一桂枝耳或云發汗或云當得汗

解或云當發汗更發汗宜桂枝湯者數方是用桂枝發汗也

復云無汗不得用桂枝又曰汗家不得重發汗又曰發汗過

多者都用桂枝甘草湯是閉汗也一藥一用如何說得仲景

發汗與本草出汗之義相通爲一答曰本草云桂味辛其熱



集毒爲百藥之長。通血脈止煩。出汗者是調血而汗自出也。
仲景云。藏無他病。發熱自汗者。此衛氣不和也。又曰。自汗者。
爲營氣和。營氣和則外不諧。以衛氣不與營氣和諧也。營氣
和則愈。故皆用桂枝湯調和營衛。營衛和則汗自出也。風邪
由此而解。非桂枝能於腠理發出汗也。以其固閉營血。衛氣
自和。邪無容地而出矣。其寔則閉汗孔也。脉者不解。閉汗之
意。凡是病者。俱用桂枝湯發汗。若與中風自汗者。合効如桴
鼓。因見其取效。而病愈。則曰。此桂枝發出汗也。遂不問傷寒
無汗者。亦與桂枝湯誤之甚矣。故仲景言無汗不得服桂枝。
是閉汗孔也。又曰。發汗多。必手冒心忪。欲得按者。用桂枝。

甘草湯是亦閉汗孔也。又曰：汗家不得重發汗。若桂枝湯發汗，是重發汗也。凡桂枝條下言發字，當認做出字，是汗自然出也。非若麻黃能開腠理而發出汗也。本草出汗二字，上文有通血脈一句，是非三焦衛氣皮毛中藥，是為營血中藥也。如是則出汗二字，當認作營衛和自然汗出，非桂開腠理而發出汗也。故後人用桂治虛汗，讀者當逆察其意，則可矣。噫！神農作於前，仲景述於後，前聖後聖，其揆一矣。不解肌，或誤汗病裏，用五苓兩解表裏二法。

一法：水逆用之，多服煖水，汗出愈。

一法：脈浮，小便不利，微熱消渴者用之。

五苓散方。

猪苓十八銖 去皮

茯苓十八銖

澤瀉一兩 六銖

白朮十八銖

桂半兩

右五味為散。以白飲和服。方寸匕。日三服。煖水。汗出愈。
不解肌而誤發大汗。其變逆有救亡陽漏風二法。
一法真武湯。一法桂枝加附子湯。

真武湯方。

此本少陰經之神方。并加減法。而太陽上篇先錄之。至
太陽下篇尤宜緊要。先同錄此。

茯苓三兩

芍藥三兩

生薑三兩 切片

白朮二兩

附子一枚炮去皮破八片

右五味以水八升煮取三升去滓溫服七合日三服

桂枝加附子湯

於桂枝湯內加附子一枚餘依桂枝湯法

不解肌而用燒鍼取汗寒入核起灸核止變一法

桂枝加桂湯更加桂

於桂枝湯方內更加桂枝二兩

中風肌未解不可下宜用桂枝湯解外一法

桂枝湯方見前

不解肌反誤下邪不服者於前下藥內更加桂枝湯一法



即桂枝大黃湯之互詞。因上衝陽位。故兩解之也。不上衝

者不用此方。

不解肌反誤下。心痞用溫補藥兩解表裏一法。

桂枝人參湯。即理中加桂枝而易其名也。

桂枝四兩 去皮

甘草四兩 炙

白朮三兩

人參三兩

乾薑三兩

右五味以水九升。先煮四味。取五升。內桂枝更煮。譴升去滓。

溫服一升。日再服。夜一服。

或問大柴胡瀉也。桂枝人參湯補也。何為皆治下利。心下痞

鞭曰。此非裏熱。乃下之早。因作痞。裏虛協熱而利。表又不解。



南京中醫藥大學圖書館藏

故與桂枝人參湯和裏解表。若夫傷寒發熱津出不解。心下痞鞭。嘔吐而不利者。表和而裏病也。以心下痞鞭故爲實。當大柴胡下之。二者心下痞鞭雖同。而虛實之症有別。故用藥有攻補之異。

解肌反誤下。邪入陽明。用藥太陽兩解一法。

葛根黃連黃芩湯方。

葛根半斤

黃連二兩

黃芩三兩

甘草二兩

炙

右四味。以水八升。先煮葛根。減二升。內諸藥。煮取二升。去滓。分溫再服。

不解肌。反誤下。宜辨陽實陰虛。加減桂枝湯一法。

桂枝去芍藥湯

下之後。脉促。腦滿。於桂枝湯內。去芍藥一味。餘依桂枝湯法。

湯法。

去芍藥方中。加附子湯方。

下之微惡寒。於桂枝湯內。去芍藥。加附子一枚。

不解。肌反誤。不陽邪作喘。有汗。桂枝加行氣藥一法。

桂枝加厚朴杏仁湯。於桂枝湯方內。加厚朴二兩。杏仁

五十個。遵依桂枝湯法。

中風病不解。熱結膀胱。下血。有先表後裏一法。

桃仁承氣湯。外不解者。尚未可攻。宜桂枝湯外解。已少



腹急結可用此攻

桃仁 五十个 去皮尖

桂枝 二两

大黃 四两

芒硝 二两

甘草 二两 炙

右五味以水五升煮取二升半去滓內芒硝更上火微沸

火方食溫服五合日三服當微利

中風病不解熱瘀蓄血明辨脉症用抵當湯二法

一法發狂蓄血重證 一法再辨脉證法中之法

抵當湯方

水蛭 三十个 旅

蟪虫 三十个 去翅足

大黃 三兩

桃仁 三十个 去皮尖

右四味爲散以水五升煮取三升去滓溫服一升不下再服

